

Nr. 1 Die Mädsche vum Rhing

Vers 1:

Andrea: Mir Mädsche vum Rhing-
sin immer jot drop
Mer han uns're eijene Kopp
Anika: Mir bütze uch joot
Dat litt uns em Bloot
Andrea&Anika : Mer han Temp'rament nit ze knapp
Yvonne: Un kütt einer an
Dä nit mithalde kann
Däm zeige mir do jeiht et lang

Refrain

**Mir sin die Mädsche vum Rhing
Un dat weed immer su sin
Mir dunn jähn singe un laache
Un jevven Dir noch vill mieh**

**Mir sin die Mädsche vum Rhing
Un häste uns ens jesin
Hey Jung dann schwöre mer Dir
Bes Du em Visier
Un küss nie widder loss**

Vers 2.

Marion : Mit uns krisste Spass,
op uns is Verlass,
uns mät su schnell keiner jet vür
Andrea: Dat Hätz op d'r Zung,
ich sare Dir Jung
Andrea&Yvonne: Die Mädcher vum Rhing brenge Jlöck
Becci: Du muss schon jet brenge,
wills do uns jwinne
denn einfach ze han simmer nit

Refrain

C-Teil:

Andrea: Mädsche vum Rhing, die verführe die Hätz
Anika, Yvi: Mädsche vum Rhing wäde of ungerschätz
Alle Mädsche vum Rhing jo dat merkste janz flöck
Alle Maache Dich manchmal verrück

Refrain